

<b>HELAIAN PENDEDAHAN PRODUK</b> <i>Sila baca Helaian Pendedahan Produk ini sebelum anda memutuskan untuk menyertai HLM Takaful i-Hospital Care. Pastikan juga anda membaca terma dan syarat am.</i>	Hong Leong MSIG Takaful Berhad ("HLM Takaful") HLM Takaful i-Hospital Care <<date>>
---	---

**1. Apakah produk ini?**

Ini adalah produk Takaful manfaat pendapatan hospital standalone yang membayar elaun tunai harian bagi kemasukan ke hospital. Sekiranya kemasukan ke hospital disebabkan oleh Kanser, elaun tunai harian akan digandakan. Pembaharuan adalah dijamin bagi pelan ini untuk tempoh 10 tahun.

**2. Apakah konsep Syariah yang digunakan?**

- (a) Tabarru' bermaksud derma daripada bahagian sumbangan yang akan diperuntukkan ke Dana Risiko Peserta (PRF), yang akan digunakan untuk bantuan dan pertolongan bersama di kalangan rakan-rakan peserta.
- (b) Iltizam Bi Al-Tabarru' bermaksud komitmen untuk melakukan Tabarru'.
- (c) Wakalah bermaksud secara asasnya hubungan ejen-prinsipal, di mana Pengendali Takaful bertindak sebagai ejen bagi pihak peserta untuk menguruskan PRF dan Pengendali Takaful mendapat Yuran Wakalah bagi perkhidmatan yang diberikan.
- (d) Ju'alah bermaksud perjanjian di mana peserta berjanji untuk memberikan ganjaran kepada Pengendali Takaful atas pencapaian atau prestasi baik Pengendali Takaful dalam menguruskan PRF yang menyebabkan berlakunya Lebihan dalam dana tersebut.
- (e) Qardh bermaksud pinjaman tanpa faedah yang disediakan oleh Pengendali Takaful sekiranya berlaku defisit di dalam PRF.

**3. Apakah perlindungan/manfaat yang disediakan?**

Manfaat	Keterangan Manfaat	Tempoh Perlindungan
Manfaat Tunai Hospital (selain daripada Kanser)	Sekiranya Orang Dilindungi dimasukkan ke hospital atas sebab selain daripada Kanser, elaun tunai harian dijamin* sebanyak RM<<XX>> akan dibayar.	10 tahun
Manfaat Tunai Hospital akibat Kanser	Sekiranya Orang Dilindungi dimasukkan ke hospital disebabkan Kanser, 2 kali elaun tunai harian dijamin* sebanyak RM<<XX>> akan dibayar. Apabila tuntutan di bawah manfaat ini, Manfaat Tunai Hospital (selain daripada Kanser) tidak akan dibayar.	10 tahun

\* Bayaran manfaat ini adalah tertakluk kepada terma dan syarat yang dinyatakan dalam sijil Takaful.

Nota:

- Manfaat yang akan dibayar adalah terhad kepada 730 hari bagi setiap kemasukan ke hospital.
- Kanser bermaksud sebarang ketumbuhan malignan didiagnosis positif dengan pengesahan histologi dan terdapat ciri-ciri ketumbuhan sel malignan yang tidak terkawal dan pencerobohan tisu. Terma ketumbuhan malignan termasuk luekemia, limfoma dan sarkoma. Sila rujuk sijil Takaful bagi terma dan syarat.

**4. Berapakah jumlah sumbangan yang saya perlu bayar?**

- Anggaran jumlah sumbangan yang anda perlu bayar (termasuk SST, jika ada): Rujuk pada sebut harga
  - Tempoh sumbangan: 10 tahun
- Sumbangan adalah tidak dijamin. Kami mempunyai hak untuk mengubah kadar sumbangan dengan memberikan Peserta 90 hari notis bertulis sebelum ulang tahun sijil yang berikutnya. Pengalaman tuntutan adalah salah satu sebab pelarasan sumbangan. Sila ambil perhatian bahawa trend peningkatan dalam kadar sumbangan pada masa lalu tidak semestinya menggambarkan trend masa hadapan.

**5. Apakah yuran dan caj yang saya perlu bayar?**

Yuran Wakalah

Yuran Wakalah adalah yuran pentadbiran kami yang ditolak daripada sumbangan untuk membayar perbelanjaan pengurusan termasuk kos pemasaran.

Tahun Sijil	1	2 ke 7 (setiap tahun)	8	9 ke 10 (setiap tahun)
% daripada Sumbangan	43%	36%	30%	21%
Jumlah (RM)				

Tabarru'

Sumbangan ditolak Yuran Wakalah akan diperuntukkan ke dalam PRF sebagai Tabarru'. Kadar Tabarru' adalah tidak kekal pada tahap yang sama dan tidak dijamin. Kami berhak untuk menyemak semula kadar Tabarru' dengan memberi notis bertulis kepada Peserta 90 hari sebelum ulang tahun sijil berikutnya.

**6. Apakah terma dan syarat utama yang saya perlu tahu?**

- (a) Kepentingan Pendedahan  
Kewajipan pendedahan pra-kontrak - Anda mempunyai kewajipan untuk mendedahkan semua fakta material, termasuk tetapi tidak terhad kepada keadaan perubatan dan nyatakan umur anda dengan betul. Anda mempunyai kewajipan untuk mendedahkan apa-apa maklumat berkaitan yang anda tahu atau dijangka untuk mengetahui dengan sebaik-baik pengetahuan anda dan dengan niat baik.
- (b) Tempoh Bertenang  
Anda boleh membatalkan sijil anda dengan mengembalikan sijil dalam tempoh 15 hari kalendar selepas sijil tersebut dihantar kepada anda. Sumbangan yang telah anda bayar akan dikembalikan kepada anda.
- (c) Kewajipan Peserta  
Anda perlu berpuas hati bahawa pelan ini memenuhi keperluan anda dan anda mampu membayar sumbangannya.
- (d) Iltizam bi Al-Tabarru'  
Sumbangan anda setelah ditolak Yuran Wakalah akan diperuntukkan ke PRF berdasarkan konsep Iltizam bi Al-Tabarru'.
- (e) Perkongsian Lebihan daripada PRF  
Sebarang lebihan daripada PRF akan diagihkan antara anda dan kami dalam nisbah 50:50. Kami berhak ke atas lebihan berdasarkan prinsip Syariah iaitu Ju'alah.
- (f) Rekod Pembayaran  
Sila simpan satu salinan rekod transaksi sebagai bukti pembayaran sumbangan.
- (g) Menukar Sijil Takaful  
Ia mungkin tidak memanfaatkan untuk menukar daripada satu sijil takaful kepada yang lain atau daripada satu pengendali takaful kepada yang lain kerana anda mungkin akan tertakluk kepada terma dan syarat baru untuk sijil takaful atau pengendali takaful tersebut.

- (h) Tempoh Ihsan  
Anda diberi tempoh ihsan selama 30 hari dari tarikh akhir pembayaran sumbangan. Tidak membayar sumbangan selepas tempoh ihsan boleh menyebabkan sijil luput.
- (i) Pilihan untuk pembaharuan tanpa pengunderaitan  
Setelah sijil tamat, anda boleh memilih untuk memperbaharui sijil untuk perlindungan selama 10 tahun tanpa sebarang syarat pengunderaitan, tertakluk kepada umur kemasukan maksimum ketika pembaharuan dan sumbangan akan disemak semula mengikut umur anda ketika pembaharuan. Pilihan ini boleh dilaksanakan sebanyak 2 kali.
- (j) Tempoh Menunggu  
Kelayakan bagi manfaat di bawah sijil hanya akan bermula 30 hari selepas tarikh berkuatkuasa sijil tersebut, kecuali kecederaan akibat kemalangan. Untuk Penyakit Tertentu, perlindungan hanya akan bermula 120 hari selepas tarikh berkuatkuasa sijil tersebut.
- (k) Prosedur Tuntutan  
Anda hendaklah dalam tempoh 30 hari dari tarikh keluar hospital yang mana tuntutan dibuat, memberikan notis bertulis kepada kami dengan menyatakan butir-butir lengkap mengenai kemasukan ke hospital dan menyediakan dokumen berkenaan yang diperlukan oleh kami. Sila rujuk sijil Takaful untuk maklumat lanjut.
- (l) Ini adalah produk perlindungan tulen dan ia tidak mempunyai nilai tunai.

*Nota: Senarai ini adalah tidak lengkap. Sila rujuk Sijil Takaful untuk senarai lengkap bagi terma dan syarat di bawah sijil ini.*

**7. Apakah pengecualian utama di bawah sijil ini?**

Manfaat Tunai Hospital tidak akan dibayar sekiranya kemasukan ke hospital disebabkan secara langsung atau tidak langsung daripada salah satu (1) kejadian berikut:

- (a) Penyakit Sedia Ada;
- (b) Penyakit Tertentu dalam tempoh 120 hari dari tarikh permulaan sijil atau sebarang tarikh pengembalian semula sijil, yang mana lebih kemudian;
- (c) Sebarang hilang upaya (kecuali untuk kecederaan akibat kemalangan) dan tanda-tanda atau simptom yang muncul dalam tempoh 30 hari dari tarikh permulaan sijil atau tarikh pengembalian semula sijil, yang mana lebih kemudian;
- (d) Sebarang jenis pembedahan kosmetik kecuali disebabkan oleh kecederaan;
- (e) Rawatan berpunca akibat kecacatan kelahiran, keturunan, anomali kongenital atau keadaan yang berkaitan;
- (f) Penjagaan pemulihan, penjagaan rehat, rawatan hospis, pemulihan atau penjagaan serupa;
- (g) Kelahiran, Kehamilan, keguguran dan sekuelanya.

*Nota: Senarai ini adalah tidak lengkap. Sila rujuk Sijil Takaful untuk senarai lengkap bagi pengecualian di bawah sijil ini.*

**8. Bolehkan saya membatalkan sijil saya?**

Ya. Anda boleh membatalkan sijil anda dengan memberi notis bertulis kepada kami. Sila ambil perhatian bahawa apabila pembatalan, tiada nilai serahan akan dibayar dan anda akan kehilangan manfaat di bawah sijil.

**9. Apakah yang perlu saya lakukan sekiranya terdapat perubahan dalam maklumat perhubungan saya?**

Adalah penting untuk anda memaklumkan kami sebarang perubahan pada maklumat perhubungan anda untuk memastikan segala surat-menyurat sampai kepada anda pada masa tepat.

**10. Di manakah boleh saya mendapatkan maklumat lanjut?**

Jika anda memerlukan maklumat tambahan tentang takaful perubatan dan kesihatan, sila rujuk risalah *insuranceinfo* mengenai "Takaful Perubatan dan Kesihatan" di [www.insuranceinfo.com.my](http://www.insuranceinfo.com.my).

**Jika anda mempunyai sebarang pertanyaan, sila hubungi kan**

Hong Leong MSIG Takaful Berhad (738090-M)

Alamat: Ibu Pejabat, Tingkat 5, Menara B, PJ City Development, No. 15A, Jalan 219, Seksyen 51A, 46100 Petaling Jaya, Selangor, Malaysia.

Telefon: +603-7650 1800

Faks: +603-7620 6730

E-mel: [ReachUs@takaful.hongleong.com.my](mailto:ReachUs@takaful.hongleong.com.my)

**11. Jenis perlindungan takaful perubatan dan kesihatan serupa lain yang sedia ada.**

Sila rujuk kepada kakitangan khidmat pelanggan kami untuk jenis pelan serupa lain yang ditawarkan.

**NOTA PENTING:**

**ANDA HARUS BERPUAS HATI BAHAWA PELAN INI MEMENUHI KEPERLUAN ANDA. ANDA HARUS MEMBACA DAN MEMAHAMI SIJIL TAKAFUL DAN TERUS MENGHUBUNGI PENGENDALI TAKAFUL UNTUK MAKLUMAT LANJUT.**

Diunderait oleh Hong Leong MSIG Takaful Berhad (738090-M)  
(Dilesenkan di bawah Akta Perkhidmatan Kewangan Islam 2013 dan dikawalselia oleh Bank Negara Malaysia)

Maklumat yang disediakan dalam helaian pendedahan ini sah pada <<date>>.

**Pengakuan:**

Bahan/Maklumat penting di atas mengenai produk yang berkenaan telah dikemukakan dan diterangkan sepenuhnya kepada saya.

Tandatangan Peserta yang Dicadangkan	
Nama Peserta yang Dicadangkan	
No. Kad Pengenalan Peserta yang Dicadangkan	
Tarikh	